

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVICI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И
ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 74 34 00, Fax: 00387 35 74 34 33, e-mail: opcina@banovici.gov.ba, Web: www.banovici.gov.ba

Broj: 01-04-750/21-9

Datum: 16.04.2021. godine

Na osnovu člana 64. stav 1. tačka b. a u vezi sa članom. 89., člana 70. stavovi 1., 3. i 6. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05) člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj 49/06) člana 43. Statuta Općine Banovići (Službeni glasnik općine Banovići broj 2/20) i Preporuke Komisije za javnu nabavku, broj: 01-04-750/21-8 od 15.04.2021. godine u postupku javne nabavke usluge „**Preventivno održavanje makadamskih puteva na području općine Banovići**“ Općinski načelnik donosi

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke broj: 01-04-750/21-8 od 15.04.2021. godine i Ugovor za javnu nabavku usluge „**Preventivno održavanje makadamskih puteva na području općine Banovići**“ dodjeljuje se ponuđaču „**HARMELI**“ d.o.o. Banovići, sa sjedištem u ulici Begov potok bb. 75290 Banovići, ponuda broj: 150/21 od 09.04.2021. godine, za ponudenu cijenu nakon e-aukcije od 28.900,00 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci usluge dostavit će se na potpis izabranom ponuđaču „HARMELI“ d.o.o. Banovići, sa sjedištem u ulici Begov potok bb. 75290 Banovići, u roku od 5 dana, računajući od dana kada su svi ponuđači obavješteni o izboru najpovoljnije ponude.

Član 3

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik Bosne i Hercegovine“, broj 39/14).

o brazloženje

Odlukom o pokretanju postupka javne nabavke usluge broj: 01-04-750/21 od 18.03.2021. godine donesenom od strane ovog organa pokrenut je postupak javne nabavke usluge „**Preventivno održavanje makadamskih puteva na području općine Banovići**“.

Predmetna javna nabavka predviđena je Planom javnih nabavki općine Banovići za 2021. godinu, broj: 01-04-627/21 od 05.03.2021. godine, pod stavkom 73.

Javna nabavka usluge sprovedena je putem konkurentnog zahtjeva za dostavu ponuda.

Procijenjena vrijednost javne nabavke bez PDV-a je 49.000,00 KM. Obavještenja o nabavci broj: 1220-7-2-47-3-3/21 od 22.03.2021. godine i 1220-7-2-47-8-4/21 od 31.03.2021. godine, objavljeni su na Portalu javnih nabavki.

Tenderska dokumentacija objavljena je na Portalu javnih nabavki.

Komisija za javne nabavke imenovana rješenjem broj: 01-04-639/21 od 08.03.2021. godine, ovom organu dostavila je dana 16.04.2021. godine Zapisnike o pregledu i ocjeni ponuda broj: 01-04-750/21-6 od 12.04.2021. godine i broj: 01-04-750/21-7 od 15.04.2021. godine, te Preporuku o izboru najpovoljnijeg ponuđača broj: 01-04-750/21-8 od 15.04.2021. godine u postupku javne nabavke usluge „Preventivno održavanje makadamskih puteva na području općine Banovići“

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 7 (sedam) i to:

1. „IKAN“ d.o.o. Zavidovići, sa sjedištem u ulici Mečevići bb. 72220 Zavidovići (datum predaje ponude 05.04.2021. godine; vrijeme predaje ponude 09:15 h),
2. „AM-GRADNJA-OKIĆ“ d.o.o. Živinice, sa sjedištem u ulici Oslobođenja bb. 75270 Živinice (datum predaje ponude 09.04.2021. godine; vrijeme predaje ponude 11:57 h),
3. „JOJA-TRANSPORTI“ d.o.o. Živinice, sa sjedištem u ulici Magistralni put br. 33. 75270 Živinice (datum predaje ponude 12.04.2021. godine; vrijeme predaje ponude 08:00 h),
4. „HOLEX“ d.o.o. Živinice, sa sjedištem u ulici Kovači br. 14. 75270 Živinice (datum predaje ponude 12.04.2021. godine; vrijeme predaje ponude 08:55 h),
5. „SM TRANSKOP“ d.o.o. Banovići, sa sjedištem u ulici Radnička bb. 75290 Banovići (datum predaje ponude 12.04.2021. godine; vrijeme predaje ponude 10:50 h),
6. „RM COMPANY“ d.o.o. Banovići, sa sjedištem u ulici Bosanska br. 22. 75290 Banovići (datum predaje ponude 12.04.2021. godine; vrijeme predaje ponude 11:37 h),
7. „HARMELI“ d.o.o. Banovići, sa sjedištem u ulici Begov potok bb. 75290 Banovići (datum predaje ponude 12.04.2021. godine; vrijeme predaje ponude 11:40 h),

- da je blagovremeno zaprimljeno 7 (sedam) ponuda,

- da nema neblagovremenih ponuda,

- da su ponude ponuđača: „JOJA-TRANSPORTI“ d.o.o. Živinice, „HOLEX“ d.o.o. Živinice, „SM TRANSKOP“ d.o.o. Banovići, „RM COMPANY“ d.o.o. Banovići i „HARMELI“ d.o.o. Banovići, ocijenjene prihvatljivim, a da su ponude ponuđača: „IKAN“ d.o.o. Zavidovići i „AM-GRADNJA-OKIĆ“ d.o.o. Živinice, ocijenjene NEPRIHVATLJIVIM, te odbačene iz sljedećih razloga:

1. „IKAN“ d.o.o. Zavidovići

- Pregledom dokaza o tehničkoj i profesionalnoj sposobnosti, Komisija je utvrdila da je Ponuđač „IKAN“ d.o.o. Zavidovići dostavio spisak izvršenih ugovora (četiri ugovora), čija zbirna vrijednost je viša od minimalno zahtijevane vrijednosti - 40% procijenjene vrijednosti ugovora. Uz spisak izvršenih ugovora navedeni ponuđač **nije dostavio potvrde** drugih ugovornih strana o uredno izvršenim ugovorima. Umjesto potvrda dostavio je izjavu u kojoj navodi da zbog nemogućnosti dobijanja traženih potvrda (iz objektivnih razloga) izjavljuje da je firma „IKAN“ d.o.o. Zavidovići uredno izvršila navedene. Tenderskom dokumentacijom, tačka 17.4. pod b) od ponuđača se zahtijeva da dostave potvrde druge ugovorne strane o uredno izvršenim ugovorima. U slučaju da se navedena/e potvrda/potvrde iz objektivnih razloga ne može dobiti od ugovorne strane, **ponuđač može dostaviti izjavu** o uredno izvršenim ugovorima, **uz predočavanje dokaza o učinjenim pokušajima da se takva/e potvrda/potvrde osiguraju**. Ponuđač „IKAN“ d.o.o. Zavidovići nije predočio dokaze o učinjenim pokušajima da se takve potvrde osiguraju.
- Tačkom 20. – Sadržaj ponude dat je **popis obaveznih dokumentata** bez kojih se ponuda neće uzimati u daljnje razmatranje. **Stavom i) iste tačke** tenderske dokumentacije zahtijevano je da se uz ponudu dostavi Nacrt ugovora, popunjen u skladu s tačkom 43. tenderske dokumentacije. Ponuđač „IKAN“ d.o.o. Zavidovići u svojoj ponudi je propustio da dostavi Nacrt ugovora (Aneks 6 tenderske dokumentacije), u kojeg je trebao da unese podatke iz svoje ponude, te parafira sve listove Nacrta ugovora, kako je to propisano Tenderskom dokumentacijom
- Na sonovu navedenog i na osnovu člana 57. stav 1., člana 68. stav 1. i člana 68. stav 4. tačka i), Zakona o javnim nabavkama, Ugovorni organ ponudu ponuđača „IKAN“ d.o.o. Zavidovići **odbacuje kao nepotpunu i time neprihvatljivu**, jer ne ispunjava zahtjeve iz Tenderske dokumentacije

2. „AM-GRADNJA-OKIĆ“ d.o.o. Živinice

- Pregledom dokaza o sposobnosti obavljanja profesionalne djelatnosti utvrđeno je da ponuđač „AM-GRADNJA-OKIĆ“ d.o.o. Živinice nije dostavio aktuelni izvod iz sudskog registra ili izjavu/potvrdu nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke. U ponudi je dostavljeno Rješenje o izmjenama podataka izdato od Općinskog suda u Tuzli dana 06.04.2020. godine. Iz dostavljenog Rješenja vidljivo je da je ponuđač registrovan za obavljanje djelatnosti koja je predmet ove nabavke, ali dokaz nije dostavljen u skladu sa zahtjevima iz tenderske dokumentacije. Tenderskom dokumentacijom (tačka 17.3.) traženo je da se dokazi sposobnosti obavljanja profesionalne djelatnosti dostavljaju kao originali ili ovjerene kopije, s tim da **datum izdavanja originala ne može biti stariji od 3 (tri) mjeseca** računajući od dana dostavljanja ponuda. S obzirom da je dostavljeno Rješenje doneseno od strane Općinskog suda Tuzla dana 06.04.2020. godine, a da je ponuda dostavljena dana 09.04.2021. godine, očito je da je Rješenje o izmjenama podataka, koje je dostavljeno kao dokaz sposobnosti obavljanja profesionalne djelatnosti, starije od 3 mjeseca.
- Tačkom 43. tenderske dokumentacije od ponuđača se zahtijeva da u Nacrt ugovora unesu podatke iz svoje ponude. U ponudi „AM-GRADNJA-OKIĆ“ d.o.o. Živinice dostavljen je djelimično popunjen Nacrt ugovora. **Ponuđač je propustio upisati ukupnu cijenu ugovora** iz svoje ponude.
- Na osnovu navedenog i na osnovu člana 57. stav 1., člana 68. stav 1. i člana 68. stav 4. tačka i), Zakona o javnim nabavkama, Ugovorni organ ponudu ponuđača „AM-GRADNJA-OKIĆ“ d.o.o. Živinice **odbacuje kao nepotpunu i time neprihvatljivu**, jer ne ispunjava zahtjeve iz Tenderske dokumentacije

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

Kako je u predmetnoj javnoj nabavci predviđena primjena e-aukcije ista je održana 15.04.2021. godine.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama podzakonskim aktima, internim aktima i Tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen primjenjujući kriterijum najniže cijene, koja je ponuđena nakon završene e-aukcije u iznosu od 28.900,00 KM bez PDV-a.

Iz navedenih razloga, primjenom člana 64. stav 1. tačka b. a u vezi sa članom 89. Zakona o javnim nabavkama, te članom 9. stav 2. Pravilnika o načinu i uslovima korištenja e-aukcije (Službeni glasnik BiH 66/16) odlučeno je kao u članu 1. ove Odluke.

POUKA O PRAVNOM LIJEKU:

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića broj 1. 75290 Banovići.

DOSTAVITI:

1x Svim ponuđačima koji su učestvovali u postupku JN

1x U spis

